

**OQAASEQAATIT KATERSUGAASIVEQARNEQ TOQQORSIVEQARNERLU
PILLUGIT INATSIARTUT PEQQUSSUTISSAATTUT SIUNNERSUUM-
MUT.**

Oqaaseqaatit nalinginnaat:

Siunnersuut inatsit pisinnaatitsissutaasoq (Inatsit nr. 610 23. december 1990-imeersoq) tassungalugu atasut ataatsimoortumik katersugaasiveqarnermut tapiissutaasut (bloktilskud til museumsvæsenet) pissutigalugit taaneqarpoq "inatsisartut peqqussutaat".

Siunnersuut saqqummiunneqartoq ilaatigut pilersimavoq tunngavigalugu 1985-imi Kalaallit Nunaata Katersugaasiveqarneq pillugu ataatsimiititap kissaatiginartutut oqaaseqaataa katersugaasiveqarnermut inatsisartut peqqussutaata 21. oktober 1980-imeersup nutarterneqarnissaanik. Katersugaasiveqarnermut ataatsimiititap tunngaaniit kissaatigineqarpoq peqqussutip naleqquttunngorsarneqarnissaa, misilittakkanut tulluartumik, katersugaasiveqarnikkullu ineriartorsimanermit naleqquttumik, ilaatigut Kalaallit Nunaanni ilaatigullu nunani tamalaani.

Taamaattumik katersugaasiveqarnermut ataatsimiititap 1985-imi ukiakkut pilersippaa ataatsimiititaliaq siunnersuuteqartussaq peqqussutip najoqqutassat tamakku tunngavigalugit nutaangorsarneqarnissaanik. Ataatsimiititaliaq 1989-imi upernaakkut saqqummiussaqqarpoq peqqussutitaassatut siunnersuummik, kultur- aamma undervisningsdirektoratimut tunniunneqartumik.

Taamaattorli nutarterineq unitsinneqarallarpog. ilaatigut pissutigalugu siunnersuutip aningaasartuutinik

annertuumik annertunerulissutaasussaanera, ilaatigullu tamatumunnga peqatigitillugu naalakkersuisuni eqqarsartogarlermat katersugaasiveqarnerup toqqorsiveqarnerullu kattunneqarnissaannik.

Taamaattumik naalakkersuisut 1989-imi majimi atorfilinnik inuttalimmik ataatsimiititaliorput katersugaasiveqarneq toqqorsiveqarnerlu pillugit, pissutsit eqgarsaatillu nutaat misilittakkallu nutaat tunuliaqutaralugit paasiniaasussamik, ingerlatat taakku kattunneqaratarsinnaanerannik.

Ataatsimiititaliaq 1989-imi junimi isumaliutissiissummik saqqummiussivoq; inerniliussatullu oqaatigineqarpoq suliffeqarfiit taakku marluk nunamut tamarmut atortuusut, Kalaallit Nunaata Katersugaasivia aamma Kalaallit Nunaata Toqqorsivia, kattunneqarnerat iluaqutaasunik arlaninnik kinguneqartitsissasoq suliamut, teknikkimut aqunneqarnermullu tunngasutigut. Tamaattoqarnissaanulli pissutaasussaavoq illuliamik ataatsimoorfissaqarnissaat, kattunneqarnerminni ineqaqatigiiffigisinnaasaminnik.

Isumaliutissiissut saqqummiunneqartog tunngavigalugu naalakkersuisut 1989-imi septemberimi isummerput katersugaasiveqarneq toqqorsiveqarnerlu pillugu ataatsimoorfissumik inatsisartut peqqussutissaannik siunnersuusiortoqassasoq.

Peqqussutissatut siunnersuut saqqummiunneqartog ataa-siusumik annertuumik nutaaliuutaavoq, tamatumalu saniatigut pineqartut pillugit inatsiseqarnikkut arlalin-nik iluarsiiissutitaqarluni ilassutitaqarlunilu.

Nutaalialat annertunersaraat Kalaallit Nunaata Katersugaasiviata Kalaallit Nunaata Toqqorsiviatalu kattunne-

garnerat ataatsimut suliffeqarfinngorlutik atserlugu: Kalaallit Nunaata Katersugaasivissua Toqqorsivialu. Taamatut suliffeqarfinnik kattussinermi nunani allani gangatoortumik aaqgissuussisarneq nuna tamakkerlugu toqqorsiveqarnermik nunalu tamakkerlugu katersugaasiveqarnermik uniorluinnarneqarpoq.

Nutaamik aaqgissuussineq taanna ersiutaavoq Kalaallit Nunaanni atugassarisat nukissallu immikkut ittut naleqqussarneqarnerannut, tamatumani suliffeqarfiit imminnut assingusut immikkulli sungiusarluarsimaffeqartut (specialiserede) gangatoortumik immikkoortinneqarnerat tunaartarisamut tulluarunnaarsorinarluni. Kattunnerup imarai periarfissat suliffeqarfiit annertuumik/brede ilisimasaqartortaqarneratigut suliamut tungasumik sulinerup nukittorsarneqaatissaanut tungasut ilisimatuutut misissuinermut inunnillu sulissusinermit iluaqutaasussamik. Kattunneruttaaq imaraa aqutsinikkut kukkujaannerulerneq suliamullu tungasutigut patajaannerulerneq. Aammattaaq malittarisassat kalaallit eqqumiitsuliaasa eriaginartut illersorneqarnerissaannut tungasut erseqqissarneqarput kulturikkut eriagisat taakku Kalaallit Nunaanniiginnarnissaat qularnaarniarlugu.

Illersuineq annertusitinnegarportaag, maanna aamma ilanngunneqarmata pigisat pinngortitamit pilersinneqarimasut immikkut ittumik eriaginartut.

Aalajangersakkat Kalaallit Nunaat nunanut avannaamioqatigiinnut Canadamulu nallersuuttunngortippaat.

Oqaluffiit pigisaasa nalunaarsorneqartarnerannut aalajangersakkat katersugaasiveqarnermut peqqussutip maanakkut atortup kapitaliisa 5-ianniittut peerneqarput, pisariaqartutut naatsorsuunneqarunnaarmata. Oqaluffiit

pigisaasa nalunaarsorneqarnerat pisariaqartinneqartut annertussusilimmik ilageeqarneq pillugu ataatsimiititaliaq/Kirkenævn, kulturikkut oqaluttuarisaanikkut sulinerup ilagisaa, suleqatigalugu ingerlanneqassaaq.

Tamatuma saniatigut taaneqarsinnaavoq, katersugaasivegarneq toqqorsiveqarnerlu pillugit ataatsimiititaliap/nævnip katiterneqarnera allangortinneqassammat suliamut tunnganerusunngorlugu, aammalu kulturikkut suliffeqarfiit minnerusut (soorlu assersuutigalugu katersugaasiviit atuakkanillu atorniartarfiit) annertunerusumik/silinnerusumik suleqatiginnilernissamut periarfissaqalissapput.

Kiisalu namminersornerusut katersugaasivinnut akuersississutigineqarsimasunut tapiissuteqartarnerata naatsorsorneqartarnerannut tunngaviusoq allangortinneqarpoq inatsisartut aningaasatigut missingersuusiornerat qularnaannerusumik tunngavissaqaleqqullugu.

Suliffeqarfiit kattuttut suliassaraat ilaatigut aqut-sinikkut teknikkikkullu atortutigut ataatsimoorussinerit, ilaatigut suliassat ilinniakkamut tunngasut immikkuullarissut, immikkut ilinniarsimassuseqarnissamik piumasagarfiusut, anguneqarsimasut ilinniarnertuut ilinniarfissuanni/universitetimit ilinniarsimanikkut imaluunniit allatigut. Suliat ilinniakkamut tunngasut immikkuullarissut taamaalillutik ingerlanneqassapput inunnit kulturikkut oqaluttuarisaanermik inuiaqatigiinnullu tunngasutigut ilinniagaqarnermik tunuliaqutaqartunit, soorlu ilisimatusarfiup kulturimut tunngasutigut ilinniartitsineragut ilinniarsimasunit imaluunniit ilinniarsimasunit arkæologit (illukusiuutut), socialantropologit (inuiaat sumik naggueqarnerannik ilisimatuutut), etnologit (inuiaat kultu-

nik ilinniagartuutut), eskimologitut, historikeritut (oqaluttuarisaanermik ilisimatuutut) kunsthistorikeritut (eqqumiitsuliornerup oqaluttuarisaaneranik ilisimatuutut) immaqalu allatut naleqquttumik ilinniarsimasutut.

Siulersuineq gullersaaffiusoq direktørimit naalakkersuisunit atorfinitsinneqartumit ingerlanneqassaaq suleqatigalugit sinniisut suliffeqarfiup sulianut tunngasumik immikkoortuisa suleqatigiikkuutaallu sinniisui assigiinngitsut peqatigalugit.

Suliffiup qanoq aaqqissugaaneranik pilersaarutikkut aalajangerneqassapput suliassat assigiinngitsut, tamatumunnga ilaassallutik oqartussaaniikkut pisinnaatitaanerit immikkut ittut atuutsinneqarnerat allagaatinut toqqortanik ilinniagaqarnermut aamma atuakkanik itsarnitsanik ilinniagaqarsimanermut tunngasut immikkut ittunut tunngasut.

Kalaallit Nunaata Katersugaasivissua Toqqorsivialu Katersugaasiveqarnermut Toqqorsiveqarnermullu ataatsimiititaliap allattoqarfefarfianik ingerlatsisuusaaq, kiisalu katersugaasivinnut allanut tamanut siunnersorteqarfiussalluni nakkutilliisoqarfiussallunilu. Tamatumuunakkut pilersinniarnegarpoq suleriaaseq eqaanerusoq nukittunerusorlu akunnermiliuttumik qeratasuumik kinguarsaasoqarfiunngitsoq.

Aningaasatigut kingunerisai.

Katersugaasiviit akuersissutigisaasut, tapiissutisinnaatitaasullu tapiiffigineqartarnerata naatsorsorneqariaasiata allanngortinneqarnera immiini aningaasanut tunngasutigut kinguneqanngikkaluarpoq, Kalaallit Nunaannili Namminersornerullutik Oqartussat tamatumuunakkut periarfissinneqarput tapiissutigineqartartup

procentianik ukiumiit ukiumut annertussusiliisarnissaminnut.

Kalaallit Nunaata Katersugaasiviata Kalaallit Nunaatalu Toqqorsiviata kattunneqarnerat immikkoortukkuutaartumik ingerlanneqassaaq, aqunneqarnikkut kattunneq peqqussutip atuutilernerani pissalluni, illutassaqarnikkulli kattunneq pissalluni illutassaqarnikkut sinaakkutissat/tunngavissat pilersikkiartuaarneqarnerat malillugu.

Illutassaqarneq

Aningaasatigut inatsimmi 1990-imut 1991-imullu akuersissuteqartoqarpoq Nunatta Katersugaasiviata allinissaanut atortussanik, tamatumunngalu atasumik periarfissaqalissaaq Kalaallit Nunaata Toqqorsiviani inuttat katersugaatillu ilaasa nuunnissaannut. Tamatumuunakkut katersugaasiviup saqqummersitsisarfiata ilioraaffeqarneratalu annertusinissaanik pilersaarut taamaaqataanik annikillisinneqassaaq, toqqorsiviullu ilitsivii (magasinkapacitet) aggulunneqassapput.

Inaarutaasumik kattunneq, suliffeqarfiup ataatsimoor tup suliffeqarfiinut tamanut iluaqutaasoq aatsaat pisinnaavoq Nuutoqqami katersugaasiveqarfiup piorsarneqaqqinneragut.

Piffissat pilersaarutaat imaappoq:

1991-imi aqutsisoqarnikkut kattunneq pissaq ataatsimoor tumik aqutsisoqalernikkut aningaasaqarnikkullu ingerlatsisoqarfeqarlernikkut, ataatsimoor tumillu illutaqalernissaq maannakkutut innarallassapput, illutat immikkuuluttut.

Sulisut toqqorsiviullu katersugaataasa ilaat 1991/92-imi katersugaasiviup toqqorsiviullu illutaanut alline-

qarsimasunut nuussinnaassapput.

Illutatigut tamakkiisumik ataatsimoortumillu ingerlatat katersugaatillu tamarmik kattunnissaat naammassineqartariaqarpoq illutat nutaaliat ilassutaasut 1992-ip kingornagut suliarineqareernerisigut.

Sulisorisatigut kingunerisai

Kattunnerup kinguneranik pisariaqassagunarpoq atorfiit piusut ilaasa qassiitigut allannguuteqarnissaat. Pisortaqarnikkut nutaamik aaqqissuussineq atulersinnegassaaq direktørimik atorfinitsitsinermi. Atorfiit taaguutaat marluk, museumsleder aamma landsarkivar, piissapput.

Atorfiit souschefitut aamma vicelandsarkivaritut allanngortinneqassapput imatut inspektør/arkivar. Ataatsimoorussamik asiunaveersaavittut immikkoortortaqarfimmik pilersitsisoqarneranut atasumik atorfiit akissaateqarnikkut inissitsiternerat allanngortinniarnegassaaq, pilersinniarneqassammat ledende konservatoritut (asiunaveersaasut pisortaat) atorfik. Kattunnerup kinguniviatut taasariaqarpoq ulloq naallugu atorfiit marluk atorunnaarsinneqarnissaat: konserveringsteknikeri ataaseq aamma assistenti ataaseq.

Peqqussutissatulli siunnersuutip kingunerissavaa suliat annertusineratigut ilaatigut sulisoqarnerulerneq.

Tamatumani pineqarput suliassat nutaat kulturikkut naliligassat aalajangerniarneqarneranni kiisalu katersugaasiveqarnermut toqqorsiveqarnermullu ataatsimiititaliap allattoqarfiata ingerlanneqarnerani sulisoqarfiit.

Peqqussut nutaaq aammattaaq piumasagarpoq annerusumik konsulentegarnikkut ikiuunnissamik siunnersuisutut, nakkutilliisutut katersugaasivinnik katersaatinillu misissuisutut, kiisalu katersugaasiviit sulisuinik ilinniaqqitsitsisarfirmik pilersitsinerni sulegataasutut.

Kalaallit Nunaata Katersugaasivissuata Toqqorsiviatalu annertusititsinerata tamakkiisup naligaa inspektøri ukioq naallugu sulisoq.

Ingerlatsinikkut kingunerisai allat

Illutaqarnikkut kattunneq 1992-imiit kingunegassagunarpoq allaffeqarnikkut allallu kiffartuussinerannik pisinikkut annikitsumik sipaagagarfiujumaartut.

Konsulentitut sumiiffinni katersugaasivinnut siunnersortaaneg annertusitinneqartoq ilimagisariaqarpoq angalanerulerneramik kingunegarumaartoq.

Kontot allat ilimagisariaqanngillat annertunerusumik allannguuteqartussatut.

Ataatsimut katillugu

Akissarsiassatigut sipaagagarneq atorfiit marluk atorrunnaarsinneqarnerisigut angunegartoq illuatungilerneqarpoq atorfiit pisariaqartumik allanngortiteriffiqineqarnerisigut aningaasarsianut aningaasartuutit annertunerulernerannit, ilaatigullu ingerlatsinermi aningaasartuutit annertunerulernerisigut katersugaasivegarneq toqqorsiveqarnerlu pillugit ataatsimiiitaliap allattorqarfeqarnikkut sulissunneqarneratigut aammalu sumiiffinni katersugaasiviit konsulentitut siunnersorneqarnikkut ikiorneqarnerisigut.

Taamaalilluni kattunneqarneq 1991-imi aningaasartuute-garnikkut nikeriarfiussanngilaq naak ingerlatatigut annertusititsineqaraluartoq.

Illutatigut annertusissutit atuutilernerat naatsorsuutigineqarpoq 1992-imiit allatigut qaffannermik kinguneqassasoq illutat ukiumoortumik ingerlannerannut aningaasartuutitigut 350.000 kr. miss. annertussuseqartussatigut.

Siunnersuutip aalajangersagartaanut ataasiakkaanut oqaaseqaatit:

Pillugu Kapitali 1. Siunertaq.

Pill. § 1. Katersugaasiveqarneq pillugu peqqussutip toqqorsiveqarnerlu pillugu inatsisip siunertaat piviusumik allannguuteqartinnagit ataatsimut kattunneqarput.

Pill. kap. 2. Kalaallit Nunaata Katersugaasivissua Toqqorsivialu.

Pill. § 2. Kattussinermut pissutaasoq oqaaseqaatini tamanoortuni oqaatigineqarpoq.

Pill. § 3. Kalaallit Nunaata Katersugaasivissuata Toqqorsiviatalu suliassai peqqussummi matumani taaneqartut saniatigut takuneqarsinnaapput makkunani:

Inatsisartut inatsisaat nr. 5 16. oktober 1980-imeersoq eriagisat itsarnitsat nunamiittut eqqissisimatinneqarnissaanik.

Inatsisartut inatsisaat nr. 11 12. november 1980-imeersoq Kalaallit Nunaanni pinngortitap eqqissisimatinnegarnissaanik kiisalu

namminersornerusut nalunaarutaat nr. 16 16. juni 1987-imeersoq Kalaallit Nunaata Avannaarsuani Tunumilu Nuna allanngutsaaliugaq pillugu.

Tamatuma saniatigut Kalaallit Nunaata Katersugaasivissua Toqqorsivialu suliasani assigiinngitsuni peqataavoq kommunit sanaartornikkut pilersaarusionegarneranut atasumik aammalu aatsitassat pillugit misissuisinnaatittaaffiusunut tunngasutigut.

Kalaallit Nunaata Katersugaasivissua inatsisit aalajangersakkallu allat malillugit maannakkut sinniisuutitaqarpoq Nationalparkkrádimi, Kalaallit Nunaanni ilisimatuutut misissuinermut kommissionimi aamma illutoqqat allanngutsaaliugaa-neranni.

Pill. nr. 4.

Aalajangersagaq § 1, imm. 3-p, manna tikillugu allagaatit toqqortat pillugit inatsimmi atortumi aamma § 1, imm. 1-imi, manna tikillugu katersugaasiveqarneq pillugu peqqussummi atuuttumi aalajangersakkat ataatsimut katinneraat aaqqissuussaq. Ilisimatuutut misissuinivimmik ingerlatsineq pissutissaavoq suliaq pillugu su-

miissutsip qaffasissuunissaanut.

Tamatumunngalu ilaavoq allanut paasissutissiineq ilitersuisuunerlu pissappat tamatumunnga pissutissaamat nammineq katersugaatinik ilinniakkamullu tunngasunik ilisimannilluinnagqissaarneq.

Pill. nr. 5.

Kalaallini katersugaasivinnik allanik suleqatiginnittussaataanerup erseqqissarpaa, Kalaallit Nunaata Katersugaasivissuata toqqorsiviatalu kalaallini ilisima-tuutut misissuinerlut kulturikkullu suleqataasussaamera. Kalaallit Nunaata Katersugaasivissua Toqqorsivialu suliamut ilinniagaqarsimasunik tamatigoortumik innuttaqarnermigut ujaraavoq teqeqqussaq nuna tamakkerlugu katersugaasiveqarnermi toqqorsiveqarnermilu. §§ 23 aamma 24 tunngavigalugit katersugaasiviit akuersisutigineqarneratigut Kalaallit Nunaata Katersugaasivissuata Toqqorsiviatalu suliaasa ilaat katersugaasivinnut allanut suliassiissutigineqarsinnaapput. Tamanna pillugu naatsorsuutigineqarpoq Kalaallit Nunaata Katersugaasivissuata Toqqorsiviatalu katersugaasiviilu akuersisutigineqartut sulinerlut pilersaarutaasa suleqatigiissinneqassasut nuna tamakkerlugu suliassat ataqatigiissuusussat sumiiffimmilu suliassat immikkuullarinnerusut naammassineqarnissaat siunertaralugu.

Pill. nr. 6.

Kalaallit Nunaata Katersugaasivissuata Toqqorsiviatalu suliamut tunngasumik pit-

saassuseqarnera pissuteqarpoq danskini nunalilu allani suliffeqarfinnik, katersugaasivinnik toqqorsivinnillu suleqategarneranik. Tamanna taamaappoq paasissutissanik katersugaatissanillu pissarsiniarnermik, suleqataasut ilinniartitaaneranni, suliassat immikkut ittut ingerlanegarneranni aamma ajornartorsiutit suliassallu suliambut tunngasut oqaluuserinegarneranni.

Danskini nunanilu allani suliffeqarfinnik suleqatigiinnerup Kalaallit Nunaata katersugaasivissuata Toqqorsiviatalu nunat tamalaat akornanni ilisimatuutut misisuinermi peqataanera aalajaallisarpaa, qularnaarpaalu suliambut tunngasutigut ilisimasanik iluarsaassanik atuisinnaanera. Suleqatiginninnerup ilusia tassaasinnaavoq piviusumik suleqatiginninnissamik isumaqatigiissuteqarneq naalakkersuisunit isumaqatigiissutigineqartoq akuersissutigineqartorluunniit, imaluunniit isumaqatigiissutit atassuteqarnerillu pisortatiguunnginnerusut. Aammattaaq pingaartineqarpoq Kalaallit Nunaata Katersugaasivissua Toqqorsivialu Canadami Alaskamilu suliffeqarfinnik assigisaannillu suleqategarnikkut sapinngisamik annertunerpaamik pissarsissasoq paasissutissanik immaqalu pigisanik Kalaallit Nunaanni inuit oqaluttuarisaanerannik kiisalu taakku isittumi allani periarfissaannut tunngasunik paasissutissiisunik.

Pill. nr. 7.

Katersugaasiviit akuersissutigineqartut amerlinerata kinguneraa immikkut ittumik suliamut tunngasumik asiunaveersaanermi, katersuinnermi, saqqummersitsinnermi, paaq-qinninnermi paasisitsiniaanermilu ikior-neqarnissamik pisariaqartitsinerup sak-kortusinera. Kalaallit Nunaata Katersugaasivissua Toqqorsivialu naatsorsuutigisariaqarpoq siunissami sivisuumi kisi-miikkumaartoq suliamut tunngasumik ilin-niagaqarsimasunik tamatigoortumik kati-tikkanik sulisoqartuulluni, katersugaa-sivinnik akuersissutigineqartunik suliamut tunngasumik pisariaqartinneqartumik ilitseruisuulluni.

Pill. nr. 9.

Kalaallit Nunaata Katersugaasivissuata Toqqorsiviatalu katersugaatai pisortat pigisaraat tamannalu pissutigalugu pingaarnerusutigut tamanut ammasuullutik. Katersugaatit tamanit ilisimatuutullu misissuisunit atorneqarsinnaanerata killilerneqarnerat pisarpoq peqqussutip kapitalia 7, allagaatit toqqortat atornerarnerat, malillugu, allanillu aalajangiisoqarsinnaavoq, tamanna isumannaatsuunissap imaluunniit pissutsit allat pisariaqartissappassuk. Tamakkunatigut naliliineq Kalaallit Nunaata Katersugaasivissuata Toqqorsiviatalu suliassaraa.

Kalaallit Nunaata Katersugaasivissua Toqqorsivialu aammattaq killilimmik anner-tussusilimmik taamaaqataanik paasissutis-

sanik pissarsisinnaavoq suliffeqarfinnit Danmarkimiittuniit nunanilu allaniittuniit, taamaaliornissamulli pinngitsoorani pisussaaititaanani. Ilisimatuutut misissuisunik inunnillu sulissussineq akeqanngitsuugajuppoq, kisianni Kalaallit Nunaata Katersugaasivissua Toqqorsivialu pisinnaatitaavoq sulissussinerit anner-tunerusut akilersittassallugit, taamatuttaaq assiliissussineq il. il. akileq-quneqarsinnaapput.

Pill. nr. 10.

Sulinerup pilersaarusionera nalunaarullu naalackersuisunut aamma katersugaasiveqarnermut toqqorsiveqarnermullu ataatsimittitamat tunniunneqartassaaq, saqqummiunneqarsinnaavorlu tamakkerlugu ilaannakorluguluunniit.

Pill. imm. 2.

Takukkit imm. 1, nr. 9-mut oqaaseqaatit.

Pill. kap. 3. Kalaallit Nunaata Katersugaasivissuata Toqqorsiviatalu siulersorneqarnera.

Pill. § 4. Imm. 1.

Suliffeqarfik suliffeqarfinnit marlunnit katitigaammat landsantikvarimik landsarkivarimillu pisortaqartunik, kissaatigineqarpoq suliffeqarfik nutaaq direktørimik ataatsimik siulersorteqassasoq.

Naatsorsuutigineqarpoq direktøri ilinniarsimassuseqassasoq, suliffeqarfiup suliassaanut tulluartaumik.

Pill. imm. 2.

Aalajangersakkap qularnaassavaa, atorfi-nitsitsineqassasoq sulisussanik pisaria-qartunik, suliassat suliffeqarfimmut a-tasut naammassineqarnissaani suleqataa-sussanik.

Pill. kap. 4. Nassaat.

Katersugaasiveqarneq pillugu peqqussummi manna tikil-lugu atuuttumi kapitali 3-mi allanngortitsinerit aa-lajangersakkat erseqqinnerulernissaannik siunertaqar-put, naqqittariaqalersullu naqqissornerarlutik.

Aammattaq nassaat paaqqineqarnissaat inissinneqarnis-saallu pillugit aalajangikkat pillugit naalakkersuisu-nut naammagittaalliuteqarsinnaaneq periarfissaqaler-sinneqarpoq.

Aalajangersakkanut ataasiakkaanut tunngatillugu makku ilassutitut oqaaseqaatigineqarsinnaapput.

Pill. § 5. Aalajangersakkami pineqarput nassaat nu-namiittut immamiittullu; tamanna nassui-arneqarpoq sumiiffik basisliniamiit aamma 3 sømil avammut aalajangersakkallu aamma pivaattaq umiarsuit umiarnarlukui kul-turikkut oqaluttuarisaanermut pingaar-uteqartut/eriaginaateqartut.

Aalajangersagaq pisoqaassusiliinermik i-maqanngilaq, pisoqaassuserli § 16-imiit-toq (1945 sioqqullugu) aqutsinermi toq-qammaviliisuusaaq. Pisoqaassutsip aala-jangersimasup ilanngunneqannginneranut atasumik qiviarneqassaaq ukiut 20-hundre-

dessaanni kulturikkut oqaluttuarisaane-
rup amigaateqartumik uppernarsaasersorne-
garnera, amiakkullu pineqarsinnaasut ta-
manna tunngavigalugu nalilersorneqartari-
aqarlutik.

Nassaat nalunaarutigineqarnerat tamatuma
kingornagut pisinnaassaaq katersugaasi-
vinnut akuersissutigineqartunut tamanut,
taakkulu piaarnerpaamik Kalaallit Nunaata
Katersugaavissuanut Toqqorsivianullu i-
ngerlateqqissavaat.

Pill. imm. 6.

Aalajangersagaq katersugaasiviit piorsar-
neqarnerata ilinniagaqarsimasorpalaaleri-
artorneratalu kinguneraa pissusissami-
soortoq. Qularnaassavaa nassaat pingaaru-
teqartut agguaannerat pillugu aalajangi-
nerit qulliunerusumit misilinneqarsinnaa-
nerat. Naammagittaalliutit suliarineqar-
nerannut malittarisassat erseqqinnerusut
Naalackersuisunit aalajangerneqassapput.
Ilimagineqarpoq katersugaasiviit akuer-
sissutigineqartuinnaat naammagittaallior-
nissamut pisinnaatitaassasut.

Pill. § 6. Aalajangersagaq periarfissiivoq nassaar-
tup nassaap paarineranut, isumannaalli-
sarneranut assigisaanullu aningaasartuu-
tiviisa akilerneqarnissaannut. Akiliutip
angissusia naammagittaalliutigineqarsin-
naanngilaq.

Pill. imm. 2.

Aalajangersagaq periarfissiivoq aalaja-

ngigaariinngitsumik akissarsisitsinissamut, nassaap kulturikkut oqaluttuarisaa-nermut tunngasumik pingaaruteqarneranut naapertuuttumik. Taamaattumik naliliineq Kalaallit Nunaata Katersugaasivissuanit Toqqorsivianillu suliarineqassaaq, taannalu naalackersuisunut inassuteqassaaq aningaasartuut akilerneqassasoq. Taamaaliluni pineqanngilaq "nassaartup akissarsiaa" politiit ileqqoreqqusaanni pineqartoq (nassaap nalingata procentia aalajangersimasoq.)

Pill. kap. 5. Pisortat suliffeqarfiisa allagaatinik toqqorsiveqarnerannut tunngasoq.

Manna tikillugu toqqortat pillugit inatsisip kapitalia 3 paasinarsisimavoq naammaginartuusoq pisortat suliffeqarfiisa allagaatinik toqqortanik sulinerannut tunngavigissallugu. Aaqqissorneqarnikkut iluarsiiissutit saniatigut ilanngunneqarsimavoq aalajangersagaq § 9-mi nakkutilliineq misissuinissamullu pisinnaatitaaffeqarnek kiisalu § 11-mi erseqqissaatit.

Pill. § 8. Allagaatit toqqortat pingaarnepaakkut tassaapput paasissutissat, tamannalu pillugu pingaarnerrunngilaq taakku pappiaramut, filmimut, lydbåndimut, qarasaasianut elektroniskiusunut imaluunniit allanut allanneqarsimanerat. Toqqortat piutinnerat atornerarallu - aamma suliffeqarfiit namminneq sulineranni pisuteqassaaq, siunertamut tulluurtumik paarineqarfegartitsinermik peqqissaarusinermillu, kiisalu tusagassiuutit paasissutissiissutaasut isumannaatsuuneran-

nik qajannaatsumillu pitsaassuseqarne-
rannik.

Pill. § 9. Kalaallit Nunaata Katersugaasivissuata Toqqorsivissuatalu konsulentitut siunner-
suinermik ingerlataqarnera naatsorsuunne-
gassaaq suliffeqarfiit nammineq toqqorsi-
veqarnermik pisariillisakkamik peqarnis-
samik soqutiginninnerannut tapersersuu-
tissersuutissatut, tamatumunngalu peqati-
gitillugu paarineqassallutik paasissutis-
sat ilisimatuutut misissuisut inuillu a-
torsinnaasaat toqqorsivinni aaqqissuullu-
akkaniittut, Kalaallit Nunaata Katersu-
gaasivissuanut Toqqorsivianullu nuunne-
qarqarsimasut, suliffeqarfiit suliassaasa
suliarineqarneranni pingaaruteqarunnaa-
raangamik.

Pill. § 10. Toqqortat aserorterneqarnerat/kassiiler-
neqarnerat aammattaaq pisinnaavoq malit-
tarisat inatsimmi immikkut ittumi aalaja-
ngerneqarsimasut tunngavigalugit.

Taamaalilluni aalajangersarneqassapput
aalajangersakkat immikkut ittut pisortat
qarasaasiat atorlugit inuit pillugit na-
lunaarsuusuaannik nalunaarsuutit ataasi-
akkaat ilitersuutaanniittunik, takuuk
inatsit nr. 294 8. juni 1978-imeersoq pi-
sortat nalunaarsuutaat (registre) pillu-
git, paasissutissanik kassiiliinermut
(suujunnaarsitsinermut) tunngasut.

Pill. § 11. Aammattaaq naatsorsuuserineq pillugu
inatsimmi kassiiliisarneq pillugu im-

mikkut ittunik aalajangersagaqarpoq.

Tunniussineq pillugu nalinginnaasumik piffissaliussaq ilanngunneqarpoq, taasumalu imaraa Kalaallit Nunaata Katersugaasivissuata Toqqorsiviatalu allagaatinik toqqortanik aqutsinermi atorneqarunnaarsimasunik, taamaaliluni suliffeqarfimmi initoqutaaginnalersunik, tigusinissamik pisussaamera. Misilittakkat ersersippaat ukiut 15-it Kalaallit Nunaanni piffissaasoq naleqquttoq. Kalaallit Nunaata Katersugaasivissuata Toqqorsiviatalu pissuteqartumik piumasarisinnaavaa tullerriiaanik ataqatigiissunik tunniussisoqartarnissaa, mikisualukkuutaanik naalatsornerinnakkut tunniussat annertuallaamik aqqissuinartarmata.

Pill. imm. 2.

Suliffeqarfiit isumannaallisaaffigineqasapput sulianik aqutsinermi atorneqartu-
artunik tunniussinissamik piumaffigineqarnissamut.

Pill. imm. 4.

Suliffeqarfiit allagaatinik toqqortanik aqqissuulluakkanik qajannaatsunillu tunniussisussaataitanerat isigineqassasoq piujuartitsisussaananerup § 8, imm. 2-mi qulaani taaneqartup nangissutaatut.

Pill. imm. 5.

Erseqqissarneqassaaq suliffeqarfiit taamaallaat angerlaallugit atorsinnaammattigit namminneq suliaatitik/sagiutitik.

Pill. § 12. Aalajangersagaq pisortat allagaataasa toqqortat qaqugumulluuniit pisortanit pigineqartuaannarnissaannik § 11, imm. 1-imi naggammi kingullermi aalajangersakkap pissusissamisoortumik kinguneraa, inatsisinullu atuuttunut naapertuuppoq.

Pisortat suliffeqarfiisa allagaataat toqqortat tunniunneqassanngillat il. il., taamaattorli takuuk § 11, imm. 3.

Pill. imm. 2.

Piaarinani pisortat allagaataannik toqqortanik pissarsisimasup Kalaallit Nunaata Katersugaasivissuanut Toqqorsivianullu tunniutissavai akissarsinani, taarsii-vigeqqussummilli siusinnerusukkut tigumminnitsuusimasumut piunasaqaratarsinnaavoq.

Pill. kap. 6. Namminersortut toqqorsivii.

Namminersortut allagaataat toqqortat pissarsiarineqarsinnaapput tunissuteqarnikkut aamma kingornussassanngorlugit aaqqiissuteqarnikkut. Namminersortut allagaataat aammattaq Kalaallit Nunaata Katersugaasivissuani Toqqorsivianilu toqqorsimatinneqarsinnaapput paaqqinninnissamik, takuneqarsinnaatitsinissamik utertitsinissamillu immikkut ittumik isumaqatigiissuteqarnikkut.

Allagaatit toqqortat pillugit inatsimmi manna tikillugu atortumi kapitali 4 paasinarsisimavoq naammaginar-tumik tunngavissaasoq inuit namminersortut, suliffeqarfiit ingerlatsiviillu allagaataasa toqqortat kater-sornissaannut. Katersugaasiveqarnerup toqqorsiveqarne-

rullu kattunnerat taamaallaat kingunerisassanik ilas-
suteqarnissamut periarfissiivoq.

Pill. § 13. Imm. 3.

Aalajangersakkap uppersarpaa pissutsit
qanoq innerat maannakkut atuuttoq, nammi-
nersortut allagaatinut toqqorsivii naju-
garisami katersugaasivimmi, katersuisima-
sumi, paarineqarsinnaasut.

Pill. imm. 4.

Aalajangersakkap imaraa ilaatigut Kalaal-
lit Nunaata Katersugaasivissuata Toqqor-
siviatalu nakkutigissagaa toqqortat isu-
mannaatsumik paaqqinneqarnissaat, sulia-
rissallugulu nalinginnaasumik takuneqar-
sinnaatitsinerup allanngortillugu immik-
kut akuersissutigineqarsinnaanerani a-
pequt, takuuk § 14, imm. 6.

Pill. kap. 7. Allagaatit toqqortat atornerarnerat.

Toqqorsiveqarneq pillugu inatsisip maannakkut atuuttup
§ 12-ia malillugu toqqortat atornerarsinnaanerannik
aalajangersakkat kultureqarnermut ilinniartitaanermul-
lu naalakkersuisumit aalajangerneqartussaapput. Aala-
jangersakkat taamaattut taamaattoq sulii manna tikillu-
gu nassiunneqarsimanngillat, taarsiullugulu Toqqorsi-
viup toqqortanik atuisinnaaneq aqussimavaa inatsimmut
oqaaseqaatit naapertorlugit.

Toqqortanik atuisinnaanermut aalajangersakkat isuman-
naallisassavaat pisortat namminersortullu eqqortumik
soqutigisaasa unioqqutinneqannginnissaat, susassaqa-
ngitsut paasissutissanik isertuunneqartariaqavissunik
pissarsinerisigut.

Tamatumunnga atasumik inuit ataasiakkaat piumasagar-sinnaatitaassapput sivisuumik isertuunnegartitsisinaanissamut, inuttut pissuserisaminnut paasissutissaasunik malussarissunik, ajoqutaasinnaasunik. Ukiunut 80-inut killiliineq naapertuuppoq nunani killerni periaaserinegartumut saqqumilaarnerusumut.

Pisortat pisariaqartitsinngillat taamatut annertutigisumik paasissutissanik isertuussinissamut; ukiuni 25-ni isertuussisussaannerup pisariaqartitsinerit naammaginartut tamaasa naammassivaat, tamanoortumillu malittarisatut nunani killerni kiffaanngissuseqarfiusuni atornegartunut naapertuuppoq.

Piffissat killiliussat, pisariaqartitsinerit tamarmik atorsinnaasaat pineqarmata, ilanngunneqarpoq immikkut akuersissuteqarsinnaanermut periarfissaq. Kiisalu taaneqarsinnaavoq, atuisinnaanermik aalajangersakkat tamakku pisortat allagaataasa tamanit takuneqarsinnaati-taanerannut malittarisanut naleqqiullugit taarsiuttuummata, piffissallu ingerlanerani annertuutigut taakkunangga "angune"qassammata.

Aalajangersakkanut ataasiakkaanut ilassutitut taaneqarsinnaapput:

Pill. § 14. Imm. 2.

Ukiut 80-inik malittarisap illersorpai paasissutissat inuttut privatimik pissuserisanut tunngasuinnaat ajoqutaasinnaasumik pissuseqartut, taamaalilluni paasissutissat qanoq peqqissuseqarnermut, inooqataanermut aningaasaqarnermullu tunngasut pingaaruteqartut kiisalu inuulluarniutininik atornerluinermut tunngasut.

Ukiunilli 80-inik malittarisaq atornegar-
tariaqanngilaq paasissutissanut ajoqu-
taanngitsunut nalinginnaasumik isertuut-
tariaqartutut pissuseqartunut, soorlu
innuttaasutut qanoq pissuseqarnermut/ci-
vilstand, arlaannut tunnganiangitsu-
nut/neutrle, tunngasut. Taamaattorli
tunngavissaqarluartumik pisariaqartitsi-
negarpat ukiut 25-t sinnerlugit isertuus-
sinissamut, tamanna aalajangerneqarsin-
naavoq § 14, imm. 3 tunngavigalugu.

Toqqortanut ukiut 80-inik malittarisamut
attuumasunik assersuutissatut taaneqar-
sinnaapput inunnut tunngasut, socialikkut
ikiortakkanut tunngasut, suliat qitornar-
siartaarnermut tunngasut, tarnip pissu-
siinik atuarfinni misissuisut nalunaaru-
taat kiisalu nammineerluni aningaasarsia-
nik nalunaarsuinermut akileraartarnermul-
lu tunngasut. Taaguineq tamakkiisuunngi-
laq tamakkiisuusinnaananiluunniit, aala-
jangiinerlu tamatigut Kalaallit Nunaata
Katersugaasivissuanit Toqqorsivianillu
suliarineqartariaqarpoq, pisariaqarpat
suliffeqarfik toqqortanik pilersitsisima-
soq isumasioqatigereerlugu.

Pill. imm. 3.

Malittarisaq pingaarnerusoq tassaavoq, a-
tortog tunniunneqartoq atornegarsinnaas-
sasoo, kisianni pissuseqartoqarsinnaavoq
immikkut ittunik paasissutissanillu ma-
lussarilluinnartoqartoq, pisariaqalersit-
sisunik toqqortat ilaasa immikkoortut a-
tornegarsinnaanerata immikkut ittumik aa-

lajangersaavigisariaqarnerannik. Atugas-
sarititat tamakku tunniussinermi aalaja-
ngerneqarsinnaapput imaluunniit piffissa-
mi kingusinnerusukkut.

Akerlianilli aamma pissuseqartoqarsin-
naavog pissutissaqalersitsisumik atorne-
galernissaannut sivikinnerusumik utagqi-
nissamut imaluunniit toqqortat inger-
laannartumik atorneqalersinnaanerannut.

Aalajangersakkat immikkut ittut inunnik
ataasiakkaanik, suliffeqarfinnik inger-
latsiveqarfinnillu toqqortanik atuisin-
naatitsisut aalajangerneqarsinnaapput
tunniussinermi atugassiissutitut, takuuk
§ 13, imm. 2.

Pill. imm. 4.

Aalajangersakkat taamaattut nalunaarsui-
nermut inatsit malillugu inatsisinik a-
tortitsinermut, ministeriaqarfimmit aa-
lajangerneqassaaq qarasaasiat atorlugit
nalunaarsuutit inunnik paasissutissanut
tunngasut Kalaallit Nunaata Katersugaa-
sivissuanut Toqqorsivianullu nuunneqar-
tut pillugit. Atugassarititat inatsisinik
atortitsinermut ministeeriaqarfiup piu-
masarigajuttagai, tassaapput atorneqaler-
sinnaangornissaannut utaqqiffissarititat
aammalu paaqqinninnermi isumannaallisaas-
sutissat immikkut ittut.

Pill. imm. 6.

Naatsorsuutigineqarpoq, Kalaallit Nuna-
ta Katersugaasivissuata Toqqorsiviatalu
immikkut akuersissuteqarsinnaatitaanini

mianersortumik atorumaaraa, taamaalior-
tassasorlu pissutissaqarluartumik ilisi-
matuutut misissuinermut soqutiginaateqar-
tutitigut taamaallaat. Nalornisoorneqar-
tillugu suliffeqarfik imaluunniit inuk
toqqortanik pineqartunik tunniussisoq
akuersitinneqartassaaq. Nangillugillu im-
mikkut akuersissummik pisoq allalluni pi-
sussaatisaaq inuit namminersortut eqqis-
sisimanissaat naatsorsuutigalugu ataqqin-
nissalluni.

Pissusissamisoorpoq atuisinnaanermut im-
mikkut ittumik akuersissuteqartoqarsin-
naanngimmat aalajangersakkat imm. 3-5-
imi aalajangerneqarsimasut malillugit.
Tamanna pillugu qinnuteqaatit aalajanger-
neqartariaqarput oqartussaasumit, aalaja-
ngiisinnaatitaatittumit.

**Pill. kap. 8. Kulturikkut eriagisat illersorneqarne-
rat.**

Nunat tamalaat akornanni ataqatigiinnerup annerujar-
tornerata, takornarniartitsinerup, nunat immikkoortut
ilaasa kulturikkut pinngortitaassutsikkullu soqutigi-
neqarnerata annerulernerata, angallatillu sukkaneru-
jartuinnarnerata ullumikkut aarlerinartunngortikkalut-
tuinnarpaa kulturikkut nalilinnillu pinngortitap pi-
lersitaanik eriaginartunik nakkutigineqanngitsumik Ka-
laallit Nunaanniit annissuinnessaq.

Nunat allat, Kalaalit Nunaata imminut assersuussinnaa-
sai killilersuutunik sukannernerusunik minnerusumil-
luunniit sukannersunik aalajangersagaqarput eriagisat
annaaneqarsinnaanngitsut taamaattut anninneqartarne-

rannut tunngasunik. Taamaappoq nunani avannaamioqati-
giinni tamani, tassungalu ilaallutik Savalimmiut, eu-
ropamiut nunat arlallit Canadalu; Norgemi immikkut
ittunik aammattaq aalajangersagaqarpoq samit kultur-
ikkut kingornussaasa ataavartinneqarnissaannut tun-
ngasunik. Aalajangersakkat imarigajuppaat kulturik-
kut eriagisat pingaaruteqartut anninneqagqusaanngin-
nerat.

Danmarkimi qanittukkut atulersinneqarpoq eriaginartut
pinngortitap pilersitaasa immikkut ittumik pingaarute-
qartut illersorneqarnerat, "Danekræordningen". Matu-
muunakkut kissaatigineqarpoq aalajangersakkap taamaat-
tup aammattaq Kalaallit Nunaannut eqqunneqarnissaa.

Nunat allat aalajangersakkatik assut ninnittumik aqup-
paat; tassa imaappoq pigisat annanneqarsinnaanngit-
suussapput imaluunniit asseqanngitsuussapput, anniseq-
gusaannginnerat peqqussutigineqalerpat. Kalaallit Nu-
naannili pissutsit imaapput, kalaallini katersugaasi-
veqarnerup inuusoqisup piginngilai kulturikkut oqa-
luttuarisaanermut pinngortitallu oqaluttuarisaaneranut
katersugaatit annertuut allanngorartullu, kiisalu ka-
tersukkat manna tikillugu ingerlanneqarsimasut tassaa-
nerusimapput assaanernut itsarsuarnitsanut aammalu es-
kimuut kulturitoqaannut tunngasut. Pissutsit tamakku
nassatarisimavaat kalaallini nunanilu allani katersu-
gaasiviit katersugaataasa ukiut 20-hundredessaannut
tunngasutigut annertuumik amigaateqarnerat.

Inatsisip aqunnerani/atortinnerani taamaattumik pisa-
riaqarsinnaavoq illersuinerup annertusitinneqarnissaa
nunat allat periaasiannut naleqqiullugu.

Kulturikkut eriagisat anninneqarnissaannik inerteqqu-
teqarnermik aalajangersakkat toraartaraat

- akornusissallugu pigisat pisoqaassusillit imaluunniit Kalaallit Nunaata oqaluttuarisaaneranut annertuumik pingaaruteqartut anninneqarnissaat,
- namminersortut toqqorsiviisa pingaaruteqartut anninneqarnissaat akornusissallugu,
- Kalaallit Nunaata pigisanik pinngortitamit pilersinneqartunik pingaaruteqartunik piginnittuunera qularnaassallugu.

Siunertarisag siulleg manna tikillugu sulissutigineqarsimavoq aalajangersakkat katersugaasiveqarneq pillugu inatsisartut peqqussutaata atuuttup kapitaliisa sisamaanniittut aqqutigalugit.

Siunertarisat aappaat ilaatigut sulissutigineqarsimavoq toqqorsiveqarneq pillugu inatsisartut inatsisaata atuuttup paragraffiisa 11-at imm. 2 aamma 3 aqqutigalugu, tassani qularnaarneqarsimammat Kalaallit Nunaata Toqqorsiviata siulliulluni pisussaatitaanera assilissussaatitaaneralu tuniniaasoqassatillugu annissiniartogassatilluguluunniit; mannali tikillugu Toqqorsivegarnerup annissineq akornusersinnaasimanngilaa.

Pigisat eriaginartut pinngortitap pilersitaasa isuman-naallisaaffigineqarnissaat ilaatiguinnaq pineqartutut oqaatigineqarsinnaavoq aalajangersakkani landstingip inatsisaani nr. 11 12. november 1980-imeersumi Kalaallit Nunaanni pinngortitap eqqissisitaaneranik, kapitali III-mi.

Taamaalilluni aalajangersakkat manna tikillugu atuuttut sukannernerulersinneqarput.

Pigisat inunnit pilersitat allagaatillu toqgortat anninneqarnissaannik akuersissuteqarnissamik aalajangersakkat atortinneqarnerat/aqunneqarnerat ingerlanneqassaaq Kalaallit Nunaata Katersugaasivissuanit Toqgorsivianillu, tamakkiisumik kulturikkut oqaluttuarisaanermut tunngasutigut silittumik ilisimanneqqissaartuusumit, tamannalu pillugu naatsorsuutigineqarpoq katersugaasivik paasisimasagarpalaartumik naliliisinaassuseqassasoq pigisat pineqartut kulturikkut oqaluttuarisaanermut ilisimatuutullu misissuinermut tunngasutigut naleqarnerannik.

Atortut pinngortitamik ilisimatuussutsimut tunngasut nalilerneqarnerat naatsorsuutigineqarpoq suliarineqassasoq suliffeqarfiit, aalajangersakkat allat imaluunniit immikkut ilisimasagarneq tunngavigalugu Kalaallit Nunaanni pinngortitap ilisimatuutut misissorneqarneranni allaaserineranilu/dokumentation qitiusumik suliaqartut, suleqatigalugit. Tamatumani pineqarput suliffeqarfiit, Kalaallit Nunaata Katersugaasivissuata Toqgorsiviatalu suleqatigeriigai, soorlu Grønlands Geologiske Undersøgelgelse, Geologisk Museum aamma Zoologisk Museum.

Aalajangersakkat ilusilersorneqarneranni pingaartinneqarsimavoq periaatsit akuerisaasut akerlerilernissaata sapinngisamik mikisuutinneqarnissaa namminersortut piginnittussaassusiata illersornissaanut.

Pinngitsoorneqarsinnaanngilarli aalajangersakkat atortinneqarnerata akerleriissuteqaataalernissaa, eqqartuussiviit eqqartuusineratigut aalajangiiffigineqaratarsinnaasunik.

Aalajangersakkanut ataasiakkaanut ilassutitut taaneqarsinnaapput:

Pill. § 16. Aalajangersakkami aamma pineqarput assit filmillu.

Pisoqaassuseqarnissamik allanngortitsineq 1940-miit 1945-mut - eqgunnegarpoq isumannaallisaaffiginiarlugit pigisat, immikkut ittumik atugaqarnermik kulturikkullu sunnerneqarnermik inuiaqatigiinni kalaallini silarsuaq tamakkerlugu sorsunnersuup kingulliup naanera ilanngullugu, ilisarnaataasunik paasinarsaasut.

Pill. imm. 3.

Malittarisatut nutaatut ilanngunnegarpoq, Kalaallit Nunaata Katersugaasivissuanik Toqqorsivianillu periarfissiisoq pigisanimik ukiunik nutaanerusuneersunik immikkut eriaginartutut suussusiliisinnaanermut. Assersuutitut taaneqarsinnaapput eqqumiitsuliat piviusut/originale, pigisatoqqat, maannakkut atortoqarnermut inuusaaseqarnermullu immikkut naleqquttunngorsarsimanermik ersersitsisut inunnut kulturikkut nuimasunut immikkut ilisarnaataasutut eqqaassutissaasut, takussutissat pilersitanut nutaaliaasunut teknikkimullu, pingaaruteqartutigut atuinermut inuiaqatigiillu ineriartornerannut sunniuteqarsimasumut.

Aalajangersakkap Kalaallit Nunaata Katersugaasivissua Toqqorsivialu periarfissippaa atortunik tamakkuningga nalunaarsuinissamut. Nalunaarsuinerup imaraa, atortut sumut atanertik najoqqutaralugu allaaserineqarnerat uppernarsaasersorne-

rallu uuttortarneqarnikkut, assilineqarnikkut, titartarneqarnikkut imaluunniit kopi-rlugu assilineqarnikkut. Pisariaqas-sappat Kalaallit Nunaata Katersugaasivissuata Toqqorsiviatalu atortut tamakku nalunaarsornissaat pissutigalugu aggiunneqartissinnaavai. Tamatumunnga tunngasumik aningaasartuutit tamaasa Kalaallit Nunaata Katersugaasivissuata Toqqorsiviatalu akilissavai.

Piginnittuunerup paarineqarfiullu allanguuteqarneranik Kalaallit Nunaata Katersugaasivissuanut Toqqorsivianullu nalunaartussaataitanerup Kalaallit Nunaata Katersugaasivissua Toqqorsivialu periarfissippaa akuliunnissamut, atortut suussusilersorlugit nalunaarsorsimasut suujunnaarsinneqarnissamut navianartorsuilissagaluarpata.

Suussusilerlugit nalunaarsuineq eqqissisitsinertut naatsorsuunneqassaaq, tamanalu nalinginnaasumik pisussaatitsivoq, akornusiinissamut eqqissisitaasup nungutitaanissaanik imaluunniit suunnginnerulernissaanik.

Nalunaarsuineq nammineq pigisamik atuisinnaanermik killiliinermik imaqqanngilaq.

Pill. § 17. Pigisat pinngortitamik ilisimatuussutsimut tunngasut immikkut illuinnartuinnaat aalajangersakkami matumani pineqarput. Anguniarneqanngilaq inuit pigisanik pinngortitap oqaluttuarisaaneranut tunnga-

sunik katersuinermik nuannaaruteqarnerata soqutiginninneratalu akornusernissaat, kisianni atortoq/pigisaq ilisimatuussut-simut tunngalluinnaqqissaartuuppat imaluunniit saqqummersinneqarsinnaassuseqarluinnarpat, pisortat pigisaattut qularnaarneqarsinnaasuusaaq.

Pill. imm. 2.

Aalajangersagaq ilanngunneqarpoq allaf-fissornerujussuaq pisariaqanngitsoq pingitsoorumallugu. Suliffeqarfinnik Kallaallit Nunaata avataaniittunik suleqateqarnissamik isumaqatigiissutitigut siu-moortumik najoqqutassaqariissaaq nassaat sumut inissinneqassasut agguarneqassasulu. Ilisimatuutut ilisimasassarsiorner-nut atatillugu taamaaqataat aalajanger-sariigaagajussapput akuersissummik tunniussinermi piumasarisatut. Aalajanger-sakkat atuuttut malillugit akuersissutit taamaattut tunniunneqassapput Dansk Polar Center-imit "Kommissionen for Videnskabelige Undersøgelser i Grønland"imi aalajangiinikkut, tassamilu (kommissionimi) Kallaallit Nunaata Katersugaasivissua Toq-qorsivialu ilaasortaatitaqarpoq.

Pill. imm. 3.

Akilerneqarsinnaaneqarnermut periarfissami, kisianni tuninerani akissaraluanut taartaanngitsumik, taamaattuni danskit aalajangersagaataat malinneqarput. Pisortat suliffeqarfiisa imaluunniit pisortanit tapersorsorneqarlutik sulisuni su-

lilluni nassaarneq akilerneqassanngilaq.
Pill. § 18. "Eqqissisimatitsinermik aalajangersagaq"
atorpoq inuit namminersortut, namminer-
sortut suliffeqqarfiisa, peqatigiiffiit
ingerlatsiviillu allagaatinik toqqorsi-
viini.

Manna tikillugu pisariaqarsimanngilaq aa-
lajangersagaq manna tikillugu atortoq a-
tussallugu.

Namminersortup toqqorsivianik aalajanger-
sagaq taanna malillugu nalunaarsuinerup
atorunnaarsinngilaa piginnittup nammineq
piginnittuunera, imaraali killilimmik a-
tuisinnaanermik killiliineq.

Allagaatinik toqqortanik soqutiginnin-
nermi pineqarmat paasissutissartaqarne-
rat, kopi-erlugit assilineqarnerat ilisi-
matuutut misissuisunut naammattarpoq. Ko-
pierilluni assiliinerup toqqortat nale-
qassusiat millisinneq ajorpaat.

Pinngitsoorneqarsinnaagunanngilarli, aa-
lajangersakkap atortinneqarnerata aker-
leriissuteqalissutaanissaa, eqqartuussi-
viit eqqartuussissuteqarneratigut aalaja-
ngiivigineqartariaqartumik.

Pill. § 19. Atortunik suussusilerlugit nalunaarsugaa-
sunik piginnittoq pisussaavoq, allanut
tuninialinnginneranni, atortut Kalaallit
Nunaata Katersugaagaasivissuanut Toqqor-
sivianullu neqeroorutigissallugit.

Pisiarinneqqaartussaataaneq atorusun-
neqanngippat, piginnittoq pisussaajuar-
poq katersugaasivissuaq ilisimatissallu-
gu atortut kimut tuninerlugit.

Pill. § 20. Aalajangersagaq atorfissaqartinneqalera-
juttassaaq, piginnittup annisseqqusin-
nginneq naalanniangippagu. Akip aalaja-
ngerniarneranut najoqqutaasinnaavoq ne-
geroorut piviusoq, Kalaallit Nunaanni a-
vataaniluunniit negeroorutigineqartoq;
aralaltsigut atortut Danmarkimi tamakku-
ninnga naliliisartunit naliligassanngor-
lugit nassiunneqarsinnaapput.

Pill. imm. 2.

Qanoq akilerneqarnissaannik aalajangiineq
qassiitigut taamaassangatitsinikkut pi-
sarpoq. Imaaratarsinnaavoq taarsiissutip
qanoq angissusilerneqarnissaanik apeqgut
eqqartuussivimmuq eqqunneqarumasoq. Ta-
matumani pineqarsinnaavoq aningaasat an-
nertussusiat angisooq, aningaasanut mis-
singersuusiami ilanngunneqarsimanngitsoq.
Qanoq akeqarnerannik aalajangiineq aamma
taamaalilluni tassaavoq aningaasanut aku-
ersissutinut tunngasoq, aalajangiinerlu
tamanna pillugu naalakkersuisunut tunni-
unneqarpoq.

Pill. imm. 3.

Aalajangersakkap imaraa atortut atorner-
garnissaat saqqummersitsinerni, aanaveer-
saanermi allanilu, tamatumani piumasari-
neqarluni toqqissisimanartumik qularna-
veeqquteqarnissaq atortut paarineqarne-

rannut utertinneqarnissaannullu atasumik.

**Pill. kap. 9. Katersugaasiveqarnermut toqqorsive-
qarnermullu ataatsimiititaliaq (nævn)**

Pill. § 21. Manna tikillugu Katersugaasiveqarnermut ataatsimiititaliaqarnermut naleqqiullugu ilaasortat amerlassusiat allanngunngilaq, katiterneqarnerali allanngorpoq. Katersugaasiveqarnermut toqqorsiveqarnermullu ataatsimiititaliap/nævnip ersersippaa, tassaagami suleqatigiit suliamut tunngasumik nævniat. Aqunneqassaaq suliamut tunngasumik isummertarnermit periarfisiillunilu katersugaasivinnik sulisut oqallinnissaannut. Tamatuma saniatigut aamma nævni tassaavog katersugaasiveqarnermut toqqorsiveqarnernullu tunngasutigut naalakkersuisunut siunnersortaaq.

Naalakkersuisut nævnip suleriaasia/forretningsordenia oqartussaataitaaneratalu atortinneqarnerani malittarisat erseqqinnerusut aalajangersartartuassavaat. Statens Museumsnævnip ilaasortaatitaqarnera atorunnaarpoq. Qularnaarumallugu atassuteqarneq Danmarkimi sulianut tunngasunut, ilinniarnermut ilinniagginnermullu nege-roorutinut, katersugaasivinni sulianut tunngasumik naliliisartunut assigisanullu, Katersugaasiveqarnermut toqqorsiveqarnermullu ataatsimiititaliap suleqatigiinnissamik isumaqatigiissuteqarfigisariaqarpai Statens Museumsnævn, Rigsarkivet allallu Danmarkimi suleqatigiiffiit naleqquttut katertugaasiveqarnermik toq-

gorsiveqarnermillu suliaqartut.

Pill. imm. 4.

Ataatsimiititaliap sulinerani aningaasartuutit aningaasatigut missingersuusiorneqassapput Kalaallit Nunaata Katersugaasivissuata Toqqorsiviatalu aningaasatigut missingersuutaani immikkut kontolerlugit.

Pill. imm. 5.

Manna tikillugu Katersugaasiveqarnermut ataatsimiititaliap allattoqarfegarnikkut suliai KUD-mit ingerlanneqartarput. Suliap tamatuma Kalaallit Nunaata Katersugaasivissuanut Toqqorsivianullu nuunneqarneragut siunertarineqarpoq katersugaasivinnut konsulentitut siunnersuinerup nukittorsarneqarnissaa. Suliassat tassaapput ataatsimiinnissanik piareersaaneq, aningaasatigut missingersuusianik naatsorsuutinillu misissuinerit, ileqqoreqqusat suliallu allaaserineqarnerisa nalilersornerat katersugaasivinnik siunnersuineq piviusoq, kursusertitsinernik piareersaaneq ingerlatsinerlu kiisalu Katersugaasiveqarnermut toqqorsiveqarnermulu ataatsimiititaliap suliamut tunngasunik suliassaataanik nalinginnaasunik suliarinninneq.

Pill. § 22. §-imi nassuiarneqarpoq Katersugaasiveqarnermut toqqorsiveqarnermillu ataatsimiititaliap suliassaqarfia, ataatsimut isigalugu pingaarnerusutigut manna tikillugu suliat assigalugit. Nutaatut ilanngunneqarpoq katersugaasiveqarnermut toqqorsi-

vegarnermullu ataatsimiititaliap periarfissaqalernerera kulturikkut oqaluttuari-saanermi Kalaallit Nunaanni ilisimatutut misissuiniarnermi atugassarititanik aalajangersaanermi peqataanermit kiisalu ilinniartitsinermi neqeroorutinik piareersaanermi. Immikkoortunut ataasiakkaanut makku taaneqassapput:

Pill. nr. 1-3.

Nævnip katersugaasivinnik akuersissutiginninnera pisarpoq tunngavigalugu suliamik ilisimannittutut nalilersuineq; nalilersuinermit tamatumunnga tunngavissat §§ 23 aamma 24-mi nalunaarsimapput. Nævnip akuersissutiginninnera allanngortinneqarsinnaangilaq. Nævnip isumagissavaa akuersissutiginninnermi piumasarisat naammassineqarnissaat.

Suliap/sag-ip suliarineqarnera Kalaallit Nunatta Katersugaasivissuanit Toqqorsivianilu ingerlanneqassaaq.

Pill. nr. 4.

Aalajangersagaq nassaanik, toqqortanik kulturikkullu eriagisassanik kap. 4, 7 aamma 8-mi taaneqartunut ilisimatutut misissuinermi malittarisassanut tunngasuteqarpoq. Manna tikillugu "Kommissionen for Videnskabelig Undersøgelser i Grønland"-imik, suleqateqarsimanerup allanngortinneqarnissaa anguniarneqanngilaq.

Pill. nr. 5.

Aalajangersagaq qiviarneqassaaq § 24-mi

katersugaasiviit pisortaasa ilinniarsi-
massuseqarnissaannik piumasagaatinut a-
tatillugu. Nævni/ataatsimiitsitaliaq Ka-
laallit Nunaata Katersugaasivissua Toq-
qorsivialu suleqatigalugu ilinniartitsi-
nissamik pisariaqartitsinerup qanoq oqaa-
sertalersorneqarnissaanut ilinniaqqiffis-
aqarnerullu pisariaqartinneqartup periar-
fissinneqarnissaanut suleqataasaaq, ta-
makkualu aamma ammassapput siulersuiner-
mi ilaasortaasunut.

Pill. imm. 2.

Katersugaasiveqarnermut Toqqorsiverqar-
nermullu ataatsimiititaliap eqiteruffiul-
luni katersugaasiveqarnermut toqqorsive-
qarnermullu tunngasutigut naalakkersuisut
ikiussavai. Nævni piумaffigineqaraangami
oqaaseqaateqartassaaq, aammalu nammineq
piumassutsiminik apeqqutinik saqqummius-
saqartassalluni naalakkersuisunut inassu-
teqartassaaq.

Pill. imm. 4.

Nævni ukiumoortumik nalunaaruteqartas-
saaq, Kalaallit Nunaata katersugaasivii-
ni toqqorsiviinilu ukiumi qaangiuttumi
sulisimaneq nassuiaateqarfigalugu. Nalu-
naarut naalakkersuisunut katersugaasivin-
nullu tamanut tunniunneqartassaaq.

**Pill. kap. 10 aamma 11. Katersugaasiviit tapiissute-
qarfigineqarsinnaatitaanngitsut tapiissuteqarfigine-
qarsinnaasullu.**

Katersugaasiveqarneq pillugu peqqussummi manna tikil-

lugu atuuttumi sulli katersugaasiveqarpoq assigiinngitsunik marlunnik: Namminersornerusut tapiissutaanik pineq ajortut aamma tapiissummik taamaattumik tapiiffigineqarsinnaatitaasut.

Katersugasiviit assigiinngitsut taakku marluusut tamarmik akuersissutigineqarsimasuupput, tassami qanoq ittunik illutaqarnissamik isumannaassuseqarnissamillu piumasarisat arlallit naammassisimavaat kiisalu ingerlatsinermut suliffeqarnermullu tunngasut allat. Tapiissuteqarfigineqarsinnaanissamut piunasaqaatit pingaarnersaraat Katersugaasiveqarneq Toqqorsiveqarnerlu pillugit ataatsimiititaliamit akuersissutigineqarsimamik pisortamik atorfinitsitsinissaq.

Aalajangersakkanut ataasiakkaanut makku ilassutigineqarsinnaapput:

Pill. § 23. Katersugaasivimmik akuersissutiginnineq taamaaginnarluni Namminersornerusunut aningaasartuutissatigut sunniuteqartussaassanngilaq.

Pill. imm. 2.

Aalajangersakkanut ataasiakkaanut makku oqaatigineqassapput:

Pill. nr. 2.

Ileqqoreqqusap pingaartumik aalajangisavaa katersugaasiviup oqartussaaffianut tunngasoq, tamatumuunakkut katersugaasiviit allat suliassaannut ataqatigiisitsineqassammat.

Nævnip ileqqoreqqusaa tamanit atorneqar-

sinnaasoq ikiuuppoq katersugaasivegarnerup toqqorsivegarnerullu iluani suliamut tunngasutigut assigiiaarinissap naammassineqarnissaanut.

Pill. nr. 5.

Atulersinneqarpoq katersugaasiviit pisusaanerat nalunaarutigissallugit nassaat itsarsuarnitsanut tunngasut nutaamillu nalunaarsorneqartut kiisalu toqqortat namminersortut pigisaat pissarsiarineqartut.

Pill. imm. 4.

Aalajangersakkami nutaatut tunngavissinneqarpoq katersugaasivinnik, akuersinermi piumasarineqartunik unioqqutitsisunik, akuersissutiginnissimanermik ilaannakuusumik tamakkiisumilluunniit utertit-sisinnaaneq.

Pill. § 24. Katersugaasivegarneq pillugu inatsimmut manna tikillugu atuuttumut naleqqiullugu makku allannguutaapput:

Pill. nr. 2.

Aalajangersakkap qularnaassavaa katersugaasiviup ileqqoreqqusaasa pisortallu suliassaasa ataqatigiissuseqarnissaat.

Pill. nr. 4.

Aalajangersagaq ilanngunneqarpoq katersugaasivinni pisortat katersugaasivinni sulianut tunngasumik ilinniagaqavissimanngitsut pillugit. Ilinniagqinnissaat qularnaarneqassaaq katersugaasiviup nam-

mineq pilersaarusioneragut Kalaallit Nu-
naata Katersugaasivissua Toqqorsivialu
aamma Katersugaasiveqarneq toqqorsiveqar-
nerlu pillugit ataatsimiititaliaq suleqa-
tigalugit. Aalajangersakkap qularnaassa-
vaa ilinniaqqissinnaatitaanerup atorfi-
nitsitaanermut ilaanera.

Pill. nr. 5.

Naatsorsuutit aningaasatigullu missinger-
suusiat ilusilersorneqassapput malerua-
gassiat nævnimit suliarineqartut malillu-
git, ilaatigut tapiissutisiassap naatsor-
sornera, takuuk § 26. Sulineq pillugu pi-
lersaarutip imarissavai aningaasatigut
missingersuusiamut tunngavilersuutit
naammattut.

Pill. nr. 7.

Aalajangersakkap malippai § 3, imm. 3
aamma § 13 imm. 3. Katersugaasiviit
toqqorsiveqarnermut tunngasutigut suli-
assaat tamarmik immikkut isumaqatigiis-
sutigineqartassapput.

Pill. imm. 2.

Aalajangersagaq nutaajuvoq. Kalaallit
kulturikkut kingornussarsiaasa ataavar-
tinneqarnissaat isumannaassavaa, tamatu-
muunakkut atortut allagaatillu toqqortat
katersugaavisimmi akuersissutigineqarsi-
masumiittut tapiissuteqarfigineqarsi-
naatitaasumiittullu immikkoortinneqar-
nissaat taamaallaat katersugaasivinnut
allanut, inatsisip piumasarisaanik naam-
massinnissimasunut.

Pill. imm. 3.

Aalajangersagaq annertuneruvoq katersugaasiveqarneq pillugu peqqussutip manna tikillugu atuuttup § 14, imm. 3-mi, nag-gatit aappaanni oqaasertaliornernanut naleqqiullugu. Aalajangersakkap katersugaa-siviit periarfissippai kulturimut tunnga-sutigut annertuumik allanngorartumillu paasisitsiniaanissamut, kalaaleqatigiit akornanni sumiiffinni periarfissat assi-giinngitsut najoqqutaralugit. Anguniar-neqarpoq katersugaasivimmik paasinnin-neq qangali atuuttoq annertusitinniarlu-gu, tamatumunngalu peqatigitillugu pin-ngortinniarlugu inissaq kulturikkut paa-sisitsiniaanermut kulturikullu suliner-mut tamatigoortumut. Assersuutitut taaneqar-sinnaapput torsuusarsuit saqqummersitsi-viit/galleri, kioskit sutorniartarfiil-lu/café-i kiisalu pisinnaassuseqarfiit assassornerillu qangali atortut aqgutiga-lugit suliat.

Pill. imm. 4.

Aalajangersagaq suleqatigiinnissamik am-maassivoq, soorlu atuakkanik atorniartar-finnik, aamma illumik sumiiffeqatigiin-nikkut.

Pill. § 25 imm. 1.

Aalajangersagaq katersugaasiveqarnermik peqqussutip manna tikillugu atuuttup §-iisa 14-ianni, imm. 2-mut naleqqiullugu allanngortitsineruvoq, taanna malillugu Namminersornerusut tapiissutaat katersu-

gaasiviup allanit tapiissutisiarisinnaa-
saa toqqaannartumik aalajangersumik 40%-
erigaluarpaat. Maannakkut oqaasertalius-
sassatut siunnersuummi toqqaannassuseq
taanna peerneqarpoq, landstingilu periar-
fissinneqarpoq ukiumoortumik aningaasat
inatsisaata suliarinerani katersugaasi-
viit § 24 malillugu akuersissutigineqar-
simasut ataatsimut tapiissutisiassaqaq-
nerat aalajangissallugu.

Pill. imm. 2.

Naatsorsuinermi tunngavigisaq katersugaa-
siveqarnermik peqqussutip manna tikillugu
atuuttup §-iisa 14-iannut naleqqiullugu
allanngortinneqarpoq naalakkersuisut pe-
riarfissillugit katersugaasiviit inger-
latsinermi aningaasartuutaasa eqqorneru-
sumik aningaasatigut missingersuusiornis-
saannut. Aalajangersagaq malillugu ukiup
tapiissutaa naatsorsorneqassaaq ilivit-
sukkaamik/tamaasa ataatsimut naatsorsuu-
tigalugit naatsorsuutit akuerisat kingul-
liit tunngavigalugit. Ukiup aningaasati-
gut missingersuuteqarfiusup ingerlanerani
taamaalilluni periarfissaqanngilaaq qaf-
faassutaasumik iluarsissuteqarnissamut.
Katersugaasiveqarnermut toqqorsiveqarner-
mullu ataatsimiititaliap aalajangertas-
savai piffissat naatsorsuutinik aningaa-
satigullu missingersuusiat akuersissuti-
gineqarnissamut nassiussivissat killis-
saat. Ukiumoortumik naatsorsuutit aal-
laaviussapput katersugaasiviit ukiumut
tullermut tapiissutisiassaata naatsorsor-
nissaanut aningaasatigullu missingersuu-

siornissaannut.

1992-imut tapiissutissaq taamaalilluni naatsorsorneqassaag qaammammi martsimi 1991 tunngavigalugit 1990-imut naatsorsuutit taavalu kingorna taamatut.

Pill. imm. 4.

Aalajangersagaq nutaatut tunngavissiivoq tamakkiisumik imaluunniit ilaannakuusumik katersugaasiviit § 24-mi akuersissutiginninnermi piumasarisanik unioqgutitsisut tapiissutisiaannik utertitsisinnaanermut.

Pill. kap. 13. Aalajangersakkat immikkut ittut atulersitsinerlu.

Pill. § 26. Aalajangersakkap imarai ilaatigut pisinnaatitaaneq piumasarisanik isumaqatigiisuteqarnissamut naalagaaffiup oqartussaa-suisa suliffegarfiiniit Kalaallit Nunaata Katersugaasivissuanut Toqqorsivianullu allagaatinik toqqortanik tunniussinnermi. Manna tikillugu toqqorallaasoqaannartaraluarpoq/deponeringer, tamatumuunakkut suliffegarfik pineqartoq pisinnaatittarpoq toqqortat tamakkiisumik atorsinnaajuarnissaannut.

Pill. § 27. Assigaa katersugaasiveqarnermik peqqusutip manna tikillugu atuuttup § 15-iat, annertusitinnegarsimavorli katersugaasiveqarnikkut sulineq aamma pigamiuk.

Pill. § 29. Kalaallit Nunaata Katersugaasivissuata Kalaallit Nunaatalu Toqqorsiviata aaq-

qissugaanikkut kattunnerat tamakkiisumik
aatsaat ingerlatsinermut suliamullu tun-
ngasutigut pisinnaavoq, illutaqarnikkut
ataatsimoorneq, suliffeqarfimmik, kater-
sugaatinik, saqqummersitsivinnik, allaf-
finnik sullivinnillu, tamakkiisoq piler-
sinneqarpat.